

# Midadas gea, discriminaziun na

Posiziun da la Lia Rumantscha davart l'iniziativa da linguas estras

■ **La Lia Rumantscha lascha valair ch'ina part da las scolaras e dals scolars grischuns è surdumandada dal concept vertent d'instruir linguas estras. I dat basegn d'agir.**

Las midadas proponidas en connex cun l'iniziativa da linguas estras na mainan tenor la Lia Rumantscha però betg a la finamira giavischada. Ils motivs:

1. *In tractament inegal chaschuna discriminaziun.* La pussaivladad d'emprender linguas estras è dependenta da l'origin linguistic. Uffants da lingua tudestga emprendan englais sco emprima lingua estra. Uffants da lingua rumantscha e taliana dasrgan far quai pir quatter onns pli tard. La

Lia Rumantscha na po betg acceptar in tal tractament inegal evident da las linguas uffizialas dal Grischun. El surpassa dretg surordinà, cunzunt artigel 8 da la constituziun federala davart l'egualitad giuridica.

2. *Naginas decisiuns chantunalas avant in conclus naziunal previsibel.* Il concept da linguas estras vegn discutà intensivamain era sin il champ federal. Tge direziun che la Svizra prenda en questa dumonda n'è però betg da dir e vegn a sa mussar pir suenter ch'il Grischun ha u approvà u refusà l'iniziativa da linguas estras. Cun in'approvaziun pudess il chantun Grischun pia s'isolar linguisticamain e stuess eventual-

main adattar pli tard puspè il concept da linguas.

La Lia Rumantscha recumonda da decelerar l'iniziativa sco nunvalaivla. La problematica ch'ils iniziants preschantan è dentant da prender serius. La regenza sto survegnir l'incumbensa d'elavurar soluziuns per la problematica da las linguas estras en scola. Il cussegl grond decida en la sesiun d'avrigl, schebain l'iniziativa da linguas estras è valaivla u betg. La Lia Rumantscha è persvasa ch'el è conscient da sia responsabladad e da la muntada da sia decisiun.

*Urs Cadruvi, secretari general Lia Rumantscha*